

বৈদেশিক মুদ্রা নীতি বিভাগ

বাংলাদেশ ব্যাংক

প্রধান কার্যালয়

ঢাকা।

বাংলাদেশ ব্যাংক ওয়েব সাইট : www.bangladeshbank.org.bd

এফ,ই সার্কুলার নং ১৩

শ্রাবণ ০৬, ১৪১৭ বাং
তারিখ : -----
জুলাই ২১, ২০১০ ইং

বৈদেশিক মুদ্রায় লেনদেনের
সকল অনুমোদিত ডিলার।

প্রিয় মহোদয়গণ,

**রপ্তানি খাতের উন্নয়নে সরকার কর্তৃক ঘোষিত দ্বিতীয় প্রণোদনা
প্যাকেজের গৃহীত পদক্ষেপ বাস্তবায়ন প্রসংগে।**

শিরোনামোক্ত বিষয়ে জারিকৃত এফ,ই সার্কুলার নং ১২, তারিখ জুন ০৭, ২০১০ এর ২ অনুচ্ছেদের প্রতি সংশ্লিষ্ট সকলের দৃষ্টি আকর্ষণ করা যাইতেছে।

উক্ত অনুচ্ছেদের (ক) ও (খ) উপঅনুচ্ছেদদ্বয় নিম্নোক্তভাবে সংশোধন করা হইল :

(ক) ২০০৮-২০০৯ অর্থ বছরে যে সকল উৎপাদনকারী-রপ্তানিকারক প্রতিষ্ঠান ৩.৫০ মিলিয়ন মার্কিন ডলার পর্যন্ত মূল্যের বস্ত্র/বস্ত্রজাত সামগ্রী রপ্তানি করিয়াছে এবং কোন বৃহৎ বস্ত্র শিল্প প্রতিষ্ঠানের মালিকানাধীন নহে এমন প্রতিষ্ঠানসমূহ ক্ষুদ্র ও মাঝারি বস্ত্র শিল্প হিসাবে সংজ্ঞায়িত হইবে। যে সকল ক্ষুদ্র ও মাঝারি বস্ত্র শিল্প প্রতিষ্ঠান এফ,ই সার্কুলার নং ০৯, তারিখ মার্চ ০৫, ২০০৯ এবং পরবর্তীতে এতদসম্পর্কিত জারিকৃত সংশ্লিষ্ট এফ,ই সার্কুলার/সার্কুলার পত্রের নির্দেশনা অনুযায়ী ২০০৯-২০১০ অর্থ বছরে রপ্তানির ভিত্তিতে বস্ত্র/বস্ত্রজাত সামগ্রী রপ্তানির বিপরীতে ৫% (পাঁচ শতাংশ) হারে নগদ সহায়তা গ্রহণ করিয়াছে কিংবা সংশ্লিষ্ট আবেদন বিবেচনাধীন রহিয়াছে সেই সকল ক্ষুদ্র ও মাঝারি বস্ত্র শিল্প প্রতিষ্ঠান উক্ত অর্থ বছরের (২০০৯-২০১০) রপ্তানির বিপরীতে অতিরিক্ত ৫% (পাঁচ শতাংশ) হারে নগদ সহায়তা পাইবে।

(খ) অতিরিক্ত নগদ সহায়তা সুবিধা গ্রহণের প্রাপকপক্ষগণ ২০০৯-২০১০ অর্থ বছরের রপ্তানির বিপরীতে সংশ্লিষ্ট অনুমোদিত ডিলার ব্যাংক শাখায় পূর্বে দাখিলকৃত পৃথক পৃথক আবেদনপত্রের তথ্য একীভূত আকারে এফ,ই সার্কুলার নং ৯/২০০৯ এর সহিত সংযুক্ত আবেদন ফরমে সংশ্লিষ্ট অনুমোদিত ডিলার ব্যাংক শাখায় অতিরিক্ত নগদ সহায়তার জন্য আবেদনপত্র দাখিল করিতে পারিবেন। ক্ষুদ্র ও মাঝারি বস্ত্র শিল্প প্রতিষ্ঠান হিসাবে বিবেচিত হওয়া এবং কোন বৃহৎ বস্ত্র শিল্প প্রতিষ্ঠানের মালিকানাধীন না হওয়া সম্পর্কে বিজিএমইএ/বিকেএমইএ কর্তৃক প্রত্যয়ন সনদ দ্বারা সমর্থিত ঘোষণা পত্র এবং ২০০৮-২০০৯ অর্থ বছরের রপ্তানি বিবরণী (প্রযোজ্য দলিলাদিসহ) আবেদনপত্রের সহিত দাখিল করিতে হইবে। বিজিএমইএ ও বিকেএমইএ কর্তৃক সরবরাহকৃত তালিকা অনুযায়ী ক্ষুদ্র ও মাঝারি বস্ত্র শিল্প প্রতিষ্ঠানের অন্তর্ভুক্ত প্রতিষ্ঠানসমূহ আলোচ্য সুবিধা প্রাপ্য হইবে।

এতদবিষয়ে এফ,ই সার্কুলার নং ১২, তারিখ জুন ০৭, ২০১০ এর অপরাপর সকল নির্দেশাবলী অপরিবর্তিত থাকিবে। সংশ্লিষ্ট সকল পক্ষকে এতদমর্মে অবহিতকরণের জন্য অনুরোধ জানানো যাইতেছে।

আপনাদের বিশ্বস্ত,

(খন্দকার আব্দুস সেলিম)
উপ-মহাব্যবস্থাপক
ফোন : ৭১২০৩৭৫